

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- रक्षा मंत्री राजनाथ सिंह होरें आखेआ ऐ जे देसैं पर माड़ी नजर पाने आहलें गी शैल बनकदा जोआब दिती जाहग।
- पाकिस्तान आसेआ जम्मू-कश्मीर च कब्ज़ा रेखा पर कीती गेदी बिजन भड़कावे दी गोलीबारी दा भारती बलें आसेआ असरदार ढंग्गै'नै परता दिता जा'रदा ऐ।
- मंत्री सतीश शर्मा होरें आखेआ ऐ जे सरकार, रिवायती शिकारे आहलें दे जीवन स्तरै गी उबड़ा चुक्कने ते सैलसफा गी बढ़ावा देने लेई वचनबद्ध ऐ।
- जम्मू-कश्मीर सरकारै मिशन युवा दे तैहत 3 बदलावकारी योजनाएं गी रम्भेआ ऐ जिंदे राहें नौजवानें दा सशक्तिकरण जकीनी बनोग ते भलेआं हेठली सतह उप्पर उद्यम-कारखानादारी गी बढ़ावा मिलोग।
- भारत दा पैहला विश्व ऑडियो विजुअल मनोरंजन शिखर सम्मेलन-वेव्स 2025 कल मुंबई दे जियो वर्ल्ड कन्वेंशन सेंटर च संपन्न होई गेआ।

<><><><><><>

Defence Minister Event

रक्षा मंत्री राजनाथ सिंह होरें आखेआ ऐ जे इक्क रक्षा मंत्री दे रूप च एह उंदी जिम्मेदारी बनदी ऐ जे ओह हथियारबंद बलें दे कन्नै कम्म करन ते भारत पर बुरी नजर रखने आहलें गी बनकदा परता दे'न।

रक्षा मंत्री होरें नमीं दिल्ली च संस्कृति जागरण महोत्सव गी संबोधित करदे होई एह गल्ल आक्खी। उ'नें आखेआ जे सैनिकें दे कन्नै-कन्नै देसै दे बन्ने दी सुरक्षा यकीनी बनाना उ'दी बी जिम्मेदारी ऐ। इस मौके पर बोलदे होई रक्षा मंत्री होरें आखेआ।

<><><><><><>

LoC-Firing

भारती सेना नै कल रातीं कब्जा रेखा पर पाकिस्तानी सेना आसेआ कीती गेदी गोलीबारी दा तगड़ेयाई कन्नै परता दिता। रक्षा सूत्रें मूजब पाकिस्तानी सेना नै जम्मू-कश्मीर दे कुपवाड़ा, बारामूला, पुंछ, रजौरी, मेंढर, नौशहरा, सुंदरबनी ते अखनूर इलाकें च कब्जा रेखा कोल बिजन कुसै उकसावे दे लौहके हथियारें कन्नै गोलीबारी कीती। भारती सेना नै एहदा तुरत ते बनकदा परता दिता। गोलीबारी च कुसै दे बी हताहत होने दी कोई खबर नेई ऐ।

<><><><><><>

Bhaderwah Tourism

जम्मू खिते दे खूबसूरत भद्रवाह इलाके च हून बल्लें-बल्लें सैलानिएं दी आमद फही दिक्खी जा'रदी ऐ। इसी लेइयै मुकामी लोकें, कारोबारिएं, गाईडें ते ट्र आपरेटरें अंदर जोश दिक्खने गी लब्भा'रदा ऐ। भद्रवाह दी मशहूर गुलडंडा ते पदरी ज्नेई सैलानी थाहें पर इ'नें दिनें सैलानिएं दी खरी मती आमद दिक्खने गी लब्भा'रदी ऐ। इस मौके पर आकाशवाणी कन्नै खास गल्ल करदे होई किश सैलानिएं आखेआ

आकाशवाणी संवाददाता नै इस मौके पर इक मुकामी कारोबारी कन्नै बी गल्ल कीती जिन्नै अपने विचार इस चाल्ली सांझे कीते।

<><><><><><>

Satish-Dal Lake

खेड्ड ते युवा सेवाएं सरबंधी मंत्री सतीश शर्मा होरें पारम्परिक शिकारा चलाने आहली बरादरी दी आमदनी गी संरक्षित करने ते टिकाऊ सैलसफा गी बढ़ावा देने आस्तै सरकार दी बचनबद्धता गी फी पक्का कीता। उनें डल झील च शिकारा मालकें कन्नै विस्तार कन्नै गल्लबात करदे होई एह गल्ल आक्खी। ट्रांसपोर्ट कमिशनर विशेषपाल महाजन ते होरनें वरिष्ठ अधिकारियें दे कन्नै मंत्री होरें लसेंस नवीनीकरण, माली ते तकनीकी मदाद, पर्यावरण सरबंधी चैताएं ते बुनियादी ढांचे दियें जरूरतें कन्नै सरबन्धत मुद्दें गी सुनेआ। उनें शिकारा चलाने आहलें गी लाजमी समर्थन दा भरोसा दोआया ते सैलसफा गी बढ़ावा देने ते स्थानीय अर्थ बवस्था दा समर्थन करने आस्तै सुविधाएं गी बधांदे होई डल झील दे इको सिस्टम दी फहाजत दे महत्व पर जोर दिता।

<><><><><><>

LG-Condolence

लेफ्टिनेंट गवर्नर मनोज सिन्हा होरें रामबन च इक दर्दनाक सिड़क हादसे च फौज दे त्रै जवानें दी मौती पर दुक्ख ते बसोस बुज्झेआ ऐ। एह हादसा कल जम्मू-श्रीनगर राश्ट्री जरनैली सिड़कें पर बैटरी चश्मा थाह दे नेड़े उसलै होआ जिसलै फौज दी कानवाई च शामिल इक ट्रक, सिड़कें थमां रूलकियै हेठ झूहगी खड्डै च जाई डिग्गा।

हादसे दे तुरत मगरा फौज, पुलस, एसडीआरएफ ते मुकामी लोकें बचाऽ अभियान चलाया पर
ट्रकक च सोआर सब्भनें जवानें दी मौत होई गेदी ही। उं'दी पन्छान सपाई अमित कुमार,
सुजीत कुमार ते मान बहादुर दे तौर पर कीती गई ऐ। इस सरबंथे च आकाशवाणी समाचार
कन्नै गल्ल करदे होई रामबन दे एसएसपी कुलबीर सिंह होरें आखेआ

<><><><><><>

Mission-Yuva Schemes

भलेआं हेठली सतह उप्पर उद्यम-कारखानादारी गी बढ़ावा देने दी इक महत्वपूर्ण गैह दे तैहत
सरकारें मिशन युवा दे तैहत जम्मू-कश्मीर च त्रै बदलावकारी योजनाएं लेई परिचालन सरबंथी
दिशा-निर्देश अधिसूचित कीते न। इ'नें पैहलकदमिएं च मुकामी उद्यम-कारखानादारी गी बढ़ावा
दने लेई 1 लक्ख 25 जहार लौहके उद्यमें दी स्थापना, साइडे 7 जहार एम.एस.एम.ई. इदारे गी
मदाद उपलब्ध करोआना ते 4 जहार मजूदा उद्यमें दे कारोबार च तेजी आहनना शामिल ऐ।
इ'नें योजनाएं दा मकसद खिते च नौजवानें दी अगुवाई आहले उद्यमें दे इक नमें जुग दी
शुरुआत करना ते नमिएं काहडें, रोजगार पैदा करने ते आर्थिक विकास गी बढ़ावा देना बी ऐ।

<><><><><><>

Waves Concluded

भारत दा पैहला विश्व ऑडियो विजुअल मनोरंजन शिखर सम्मेलन-वेक्स 2025 कल मुंबई दे
जियो वर्ल्ड कन्वेंशन सेंटर च संपन्न होई गेआ। च'उं दिनें दे इस शिखर सम्मेलन दा उद्घाटन
प्रधानमंत्री नरेन्द्र मोदी होरें कीता हा।

एहदे च 90 शा मते मुख्यें दे 10 जहार शा मते प्रतिनिधियें हिस्सा लैता। एहदे च मीडिया ते मनोरंजन खेतर च आर्टिफिशियल इंटेलिजेंस, मीडिया दे वैश्वीकरण, कंटेंट रचना दे भविष्य ते उभरदी तकनीकें दे असर जनेह महत्वपूर्ण विशें पर चर्चा कीती गई। वेक्स बाज़ार च देशभरै दे रचनाकारें ते फिल्म निर्माताएं दे कन्नै 1 जहार 300 करोड़ रुपें शा मते दे बपारिक सौदे होए। शिखर सम्मेलन दे दरान ग्लोबल मीडिया डायलॉग च 77 मुख्यें दे नुमाइंदें वेक्स घोषणा गी स्वीकार कीता। एहदे च पेश कीते गेदे सांस्कृतिक कार्यक्रमें दर्शकें गी मंत्रमुग्ध करी दिता। इंदे च पारंपरिक लोक नृत्यें, मार्शल आर्ट प्रदर्शनें ते संगीत दे राहें भारत दी कला सरबन्धी बन्न-सबन्नता गी उजागर कीता गेआ।

<><><><><><>

Crime-Security

कनून नाफिज करने गी मजबूती देना ते सार्वजनिक सुरक्षा गी यकीनी बनाने आस्तै जम्मू दे एस.एस.पी जोगिंद्र सिंह होरें जिला पुलिस लाइन्स च जुर्म ते सुरक्षा सरबन्धी समीक्षा बैठक दी प्रधानता कीती। बैठक च जुर्म रोकने, जवाबदेह पुलिसिंग, गुणवत्ता जांच, एन.डी.पी.एस ते यू.ए.पी.ए मामलें दा नेबड़ा ते जुर्म ते जुर्म दे ट्रैकिंग नेटवर्क सिस्टम जनेह डिजिटल प्लेटफार्मे दे इस्तेमाल पर ध्यान केंद्रित कीता गेआ।

<><><><><><>

Surankote-Meet

सार्वजनिक जुड़ाव गी मजबूत करने आस्तै इक महत्वपूर्ण गेंs पुट्टदे होई पुंछ दे डिप्टी कमिशनर विकास कुंडल ते पुंछ दे एसएसपी शफकत हुसैन होरें सुरनकोट च सिविल समाज दे सदस्यें कन्नै इक बैठक दी प्रधानता कीती। बैठक च प्रमुख विकास आहले मुद्दें सने फिरकापरस्त सद्भाव गी बधाने पर ध्यान केंद्रित कीता गेआ। मकामी लोकें पानी दी सप्लाई, सेहत दिक्खभाल सेवा, शिड़कें दे बुनियादी ढांचे ते कल्याणकारी योजनाएं दे बारे अपने-अपने विचार रक्खे। डिप्टी कमिशनर होरें मौके पर गै निर्देश जारी करदे होई सब्बनैं मुद्दें दा समेंसिर नबेड़ा करने दा भरोसा दोआया। इकजुटता पर जोर दिंदे होई उनें लोकें गी प्रशासन दे कन्नै सहयोग करने दी अपील कीती। एसएसपी शफकत हुसैन होरें इस मौके पर बोलदे होई सुरक्षा पर जोर दिता ते सार्वजनिक सतर्कता गी प्रोत्साहित कीता। उनें आखेआ।

<><><><><><>

PM-Suryaghar

जम्मू-कश्मीर च उर्जा सरबंधी पुज्ज गी बढ़ावा देने दी इक महत्वपूर्ण कोशश तैहत प्रधानमंत्री सूर्य घर मुफ्त बिजली योजना, दूर-दरेडे ते ग्रामीण इलाकें च लोकें दे जीवन च सकारात्मक तब्दीली आहन्ना करदी ऐ। इस योजना दा मकसद लोकें गी सूरज दी तपश कन्नै चलने आहली उर्जा प्रणाली दे राहें बिजली उपलब्ध करोआना ऐ। सौर उर्जा पैनल स्थापित करोआने दे कन्नै प्रदेश दे मुकामी लोकें गी हून बिजली दी निर्विघ्न सप्लाई हासल होआ करदी ऐ।

एह पैहलकदमी, स्वच्छ उर्जा गी बढ़ावा दिंदे होई पारंपरिक ईंधन पर निर्भरता घट्ट करने च बड़ी महत्वै आहली भूमिका निभा करदी ऐ। इस बारै च आकाशवाणी संवाददाता नै किश लाभार्थिं कन्ने खास गल्लबात कीती।

<><><><><><>

HADP-Farmer

राई-बाई खेतर दे पूरे-पराते विकास आहले कार्यक्रम एचएडीपी दे तैहत जम्मू-कश्मीर च करसान, फसलें दा झाड़ ते अपनी औंदन बधाने लेई नमिं काहडें ते टिकाउ तकनीकें गी अपना करदे न। राई-बाई दे जैविक तौर-तरीकें ते मता झाड़ देने आहले बीएं दी बदौलत खिते च करसानें दी औंदल च बी खरा मता बाददा होआ करदा ऐ। सांबा जिले दे रामगढ़ थमां बी इक उन्नत करसान जैविक खेती गी अपनाइयै नां छडा अपनी औंदन च बाददा करै करदे न सगुआं पर्यावरण दे प्रति बी अपनी जिम्मेदारी निभाऽ करदे न। उंदा आखना ऐ

<><><><><><>